

四庫全書

史部

欽定四庫全書

弇山堂別集卷四十

明 王世貞 撰

追封王公侯伯表

高皇帝之始定建業也於它官制皆草創而大捐其爵
封以勵庇主殉義者故於死事之臣必有贈而胡大海
廖永安至首開公國而是時帝尚稱吳國公云蓋不嫌
肩並矣第其它郡公邑侯伯子男皆仍元之故不階極

品迨即大位洪武之三年始進公侯位一品上而罷子男仍與諸功臣約其歿也公則王之侯則公之自是而後諸功臣之顯終者不及半而其它或以大愆麗辟或以微讐忤旨皆格不復舉都督繇僉事而下至指揮間取死事間追舊恩往往超登侯爵而都督同知以上未有沾被者至洪武二十年而後上春秋高有司怠於修舉彝典遂寥寥矣永樂初大概仍高帝之舊而丘洪公以北討失律不得王而朱平陰以嗣公北討失律獨得

王其它有開國邑非罪而弗獲封者或嗣公侯伯非功而獲封者都督有以恩而獲伯者有以功而不伯者有舍爵邑而贈公孤者有六卿舍公孤而稱爵者易世之後不必盡出獨斷政府與操割者上下惟以意焉語云後主所是則為令其然豈其然哉今考而表之追封王公侯伯表

太王高帝高外祖無姓洪武元年追封

高王高帝曾外祖無姓洪武元年追封

楊王陳公名無考高帝外祖洪武元年追封

徐王馬公名無考高皇后父洪武元年追封

滁陽王郭子興直隸滁州人係高皇后義父故將都元帥

洪武元年追封

開平王常遇春見前太子少保平章軍國重事鄂國公
贈推誠宣德靖遠功臣特進上柱國太保中書右丞相
封

隴西王李貞見前係曹國公洪武十年封

寧河王鄧愈見前係征西將軍右都督衛國公洪武十一年封

岐陽王李文忠見前係左都督曹國公洪武十七年封
中山王徐達見前係征北大將軍太傅魏國公洪武十八年封配享太廟功臣廟位皆第一

黔寧王沐英見前係征南將軍西平侯洪武二十六年封

東甌王湯和見前係信國公洪武二十七年封

東平王朱能係征夷將軍太子太傅成國公永樂五年封

河間王張玉河南祥符人係燕護衛都指揮同知靖難陣亡初贈榮國公永樂二十二年加封

定興王張輔見前王之子係太師英國公景泰元年封平陰王朱勇見前係總兵官太保成國公天順元年封宣平王朱永見前係太師保國公弘治八年封

寧陽王張懋見前係太師英國公正德七年封至萬曆

十一年削

定襄王朱希忠見前係太師成國公萬歷元年封至萬
歷十一年削

越國公胡大海直隸虹縣人係行中書省參知政事兼
行僉書樞密院事為金華叛兵所害壬寅年贈特進光
祿大夫柱國浙東行省平章政事并封

蔡國公張德勝直隸梁縣人係同僉行樞密院事戊戌
年追陳友諒戰死贈光祿大夫江淮行中書省平章政

事并封

梁國公趙德勝直隸臨濠人係後翼大元帥壬寅年守
南昌中弩死本年贈榮祿大夫江西行中書省平章政
事并封後改贈都督同知加開國勲

豫國公俞通海直隸巢縣人係江淮行中書省平章政
事圍平江中流矢死贈光祿大夫并封再贈號國公

泗國公耿再成直隸五河人係樞密院判官壬寅年為
處州叛兵所害初贈高陽郡公洪武十年加封

郢國公馮國用直隸定遠人係帳前親軍都指揮使己亥年卒洪武初追封

濟國公丁德興直隸定遠人授萬戶陞管軍總管吳元年八月卒年四十贈指揮使洪武三年追封

蘄國公康茂才湖廣蘄州人係同知大都督府事洪武二年封

鄖國公廖永安直隸巢縣人係遙授光祿大夫浙東行中書省平章政事楚國公乙巳年卒洪武十三年改封

鄆國公韓政見前係東平侯洪武十一年封

安國公曹良臣見前係宣寧侯洪武五年北征陣亡封
滕國公顧時見前係濟寧侯洪武十二年贈特進左柱
國封

海國公吳禎見前係靖海侯洪武十二年贈特進左柱
國封

江國公吳良見前係江陰侯洪武十四年贈特進上柱
國封

巢國公華高見前係廣德侯洪武四年封

芮國公楊璟見前係營陽侯洪武十五年封

蘄國公康鐸茂才之子係蘄春侯洪武十五年封

陝國公郭子興見前係鞏昌侯洪武十七年封

永國公薛顯見前係永城侯洪武二十年封

黔國公吳復見前係安陸侯洪武十六年封

皖國公仇成見前係安慶侯洪武二十三年封

沂國公金朝興見前係宣德侯洪武十五年封

恩國公張赫見前係航海侯洪武三十三年封

營國公郭英見前係武定侯永樂元年追封

榮國公張玉見前洪武三十五年封

定國公徐增壽達之子係左軍都督府左都督為建文君所僂洪武三十五年初贈武陽侯加封

潞國公張武見前係成陽侯永樂元年追封

漳國公王聰見前係武城侯永樂七年北征陣亡追封

莒國公李遠見前係安平侯永樂七年北征陣亡追封

滕國公孟善見前係保定侯永樂十年追封

夏國公顧成見前係鎮遠侯永樂十六年追封

蔡國公徐忠見前係永康侯永樂十六年追封

興國公郭亮見前係成安侯永樂二十一年追封

茂國公李彬見前係豐城侯永樂二十年追封

景國公李讓見前係駙馬都尉富陽侯永樂三年追封

榮國公姚廣孝係僧任太子少師永樂十六年追封推

忠輔國協謀宣力文臣特進榮祿大夫柱國

寧國公王真陝西咸寧人建文二年以護衛百戶靖難陣亡初贈金鄉侯永樂二十二年追封

靖國公陳珪見前係泰寧侯永樂十七年追封

涇國公陳亨直隸壽州人建文三年以都督僉事靖難陣亡追封

鄆國公薛祿見前係鎮朔大將軍太保陽武侯宣德五年追封

鄭國公張信見前係少師隆平侯正統七年追封

漳國公鄭亨見前係征西前將軍大同總兵官武安侯
宣德九年追封

沂國公袁容見前係駙馬都尉廣平侯宣德五年追封
融國公柳升見前太子太傅征北副將軍安遠侯洪熙
元年征安南陣亡正統中贈封

濱國公薛貴見前係安順侯宣德五年追封

邠國公吳克忠見前係恭順侯正統十四年從北征陣
亡贈封

渠國公吳成見前係清平侯宣德八年贈封

涇國公蔣貴見前係定西侯正統十四年贈封

寧國公陳瀛係珪曾孫正統十四年贈封

鄆國公宋瑛見前係駙馬都尉西寧侯正統十四年從
北征陣亡贈封

潁國公楊洪見前係鎮朔大將軍總兵官昌平侯景泰
四年贈封

裕國公張軌見前係總兵官太平侯天順四年贈封

安國公孫忠見前係會昌伯景泰三年贈會昌侯天順三年加封

濬國公陳懋見前係太保寧陽侯天順七年贈封

黔國公陳豫見前係平江侯天順七年卒追封

沔國公陳友見前係武平侯天順四年追封

涑國公孫鏜見前係懷寧侯成化七年贈封

嶧國公劉安見前係廣寧伯成化七年贈封

蠡國公梁瑤見前係保定侯成化三年贈封

涼國公吳瑾克忠之子係恭順侯天順五年死曹欽難
贈封

容國公趙輔見前係太保武靖侯成化二十三年贈封
鄭國公孫繼宗忠之子係太傅會昌侯成化十七年贈
封

涼國公蔣琬貴之子係太保定西侯成化二十三年贈
封

寧國公周能以皇太后父初贈慶雲伯累贈封

宣國公周壽係太傅慶雲侯弘治

闕

年贈封

阜國公王鎮以皇太后父贈瑞安伯累封

昌國公張巒敬皇后父係壽寧侯弘治六年贈封

安國公李偉慈聖皇太后父係武清侯萬曆十一年贈
封

河間郡公俞廷玉濠州蒲塘人係統軍大元帥封

高陽郡公耿再成詳前公表

東海郡公茅成直隸定遠人係武德衛指揮副使圍蘇

州中流矢死贈鎮國上將軍僉大都督府事封

天水郡公嚴德直隸采石人係海寧衛指揮同知破方
國瑛兵陣亡洪武二年贈驃騎上將軍大都督府副使
并封

濟陽郡公丁普郎不知何許人係僉書樞密院從征陳
友諒戰死贈封

姑熟郡公陶安直隸太平人係禮部尚書行省參政洪
武七年卒追封

樂浪郡公濮英直隸廬州人係中軍都督僉事洪武二十年死金山北征之難初贈金山侯加贈特進柱國封係正一品

東丘郡侯花雲直隸懷遠人係行樞密院判官戊戌死陳友諒之難贈懷遠大將軍上輕車都尉封

高陽郡侯許瑗江西樂平人係太平知府戊戌死陳友諒之難追封

太原郡侯王鼎直隸儀真人初為趙忠養子後復姓係

行樞密院判官戊戌死陳友諒之難追封

太原郡侯王道同不知何許人係處州知府死叛兵之難追贈太中大夫上輕車都尉并封

南陽郡侯葉琛浙江麗水人係營田僉事守洪都為叛兵所害贈封

忠節侯張子明係千戶洪都告急歸遇陳友諒兵不屈死追封

永義侯桑世傑係元帥陣亡贈樞密院判官封九年加

贈柱國

高陽郡侯韓成直隸虹縣人係帳前親軍副都指揮使
鄱陽之戰衣上衣投水以緩賊師封子觀為都督
潁上郡侯陳兆先叛將額森之子係統軍元帥死鄱陽
之戰

隴西郡侯李繼元係樞密院判

彭城郡侯劉齊係親軍右副都指揮使

高陽郡侯許圭係統軍元帥

天水郡侯趙國旺係右副元帥

京兆郡侯宋貴係水軍元帥

太原郡侯王勝係右副元帥

隴西郡侯李信係右副元帥

清河郡侯張志雄係樞密院判

隴西郡侯李志高係同知元帥

汝南郡侯呂文貴係右副元帥

下邳郡侯余昶係左副元帥

東海郡侯徐公輔係右副元帥

彭城郡侯劉義係右副元帥

潁川郡侯陳弼係右副元帥

弘農郡侯楊廣忠 已上俱封

已上文職係太中大夫武職係懷遠大將軍俱輕

車都尉

燕山侯孫興祖直隸濠州人係大都督府都督副使洪

武二年隨北征陣亡追封

安遠侯蔡僊係靖江王相兼廣西行省參政洪武三年
贈資善大夫上護軍行省右丞封

昌樂侯丘廣直隸定遠人係燕府左傅洪武九年贈柱
國封

霍山侯王簡直隸壽州人係大都督僉事洪武十二年
贈榮祿大夫中軍都督同知封

臨沂侯王真直隸壽春人係廣西都指揮使洪武十三
年贈特進光祿大夫柱國前軍都督同知封

汝陰侯高顯直隸梁縣人係後軍都督僉事洪武十三年贈榮祿大夫都督同知封

廬江侯何德河南光州人係左軍都督僉事洪武十四年贈榮祿大夫都督同知封

富春侯孫世直隸巢縣人係中軍都督僉事洪武十四年贈光祿大夫柱國并封

合浦侯陳清直隸巢縣人係後軍都督府僉事洪武十五年贈封

東海侯陳文直隸合肥人係後軍都督僉事洪武十七年贈封

英山侯于顯湖廣黃梅人係前軍都督僉事洪武二十年贈封

廬江侯趙馘

闕

金鄉侯王真見前洪武三十五年贈封

武陽侯徐增壽見前洪武三十五年贈封

崇安侯譚淵直隸清河人係燕山護衛指揮僉事靖難

陣亡洪武三十五年贈封

應城侯孫岩見前係應城伯永樂九年贈封

平江侯陳瑄見前係平江伯宣德八年贈封

廣寧侯劉榮見前係廣寧伯永樂十八年贈封

彭城侯張昺見前係彭城伯正統三年贈封

惠安侯張昇見前係惠安伯正統六年贈封

新建侯李玉見前係新建伯正統六年贈封

永順侯薛壽重見前係嗣新建伯正統十四年從駕北

征陣亡贈封

脩武侯沈榮見前係嗣脩武伯正統十四年從駕北征陣亡贈封

平鄉侯陳懷見前係平鄉伯正統十四年從駕北征陣亡贈封

忠勇侯蔣信見前係忠勇伯景泰五年贈封

武進侯朱榮見前係武進伯洪熙元年贈封

武進侯朱冕見前係嗣武進伯正統十四年從駕北征

陣亡贈封

鉅鹿侯井源係駙馬都尉正統十四年從駕北征陣亡
贈封

撫寧侯朱謙見前係鎮朔將軍撫寧伯景泰二年贈封
懷柔侯施聚見前係懷柔伯天順六年贈封

永寧侯譚廣見前係永寧伯正統九年卒後追封

會昌侯孫忠見贈公表景泰五年贈封

東寧侯焦禮見前天順七年贈封

寧遠侯任禮見前係寧遠伯成化元年贈封

興濟侯楊善見前係掌禮部事興濟伯天順二年贈封

靖遠侯王驥係掌兵部事靖遠伯天順四年贈封

文安侯張輓見前係文安伯天順五年贈封

定襄侯郭登見前係提督十二營總兵定襄伯成化八年贈封

豐潤侯曹義見前係征虜前將軍遼東總兵豐潤伯天

順四年贈封

南寧侯毛福壽見前係南寧伯天順二年贈封

伏羌侯毛忠見前係伏羌伯成化四年贈封

宣城侯衛顙見前係宣城伯弘治十一年贈封

昌寧侯趙勝見前係太保昌寧伯成化二十三年贈封

新建侯王守仁見前係南京兵部尚書都察院左都御

史隆慶元年贈封

縉雲郡伯胡深浙江龍泉人係行省左右司郎中總制

處州府軍民事王府參軍乙巳年死陳友定事贈封

天水郡伯趙天麒係臨江府同知死事贈封

安定郡伯程國勝係帳前萬戶

隴西郡伯牛海係元帥副使

太原郡伯王咬住係元帥副使

顯佑伯楊國興勅為宜興城隍石皆死事贈封

已上伯皆仍元爵階勲正四品

廣安郡伯孫虎係海寧衛指揮副使洪武元年北征陣
亡贈鎮國將軍大都督府僉事封

譙郡伯戴德係湖廣行省參知政事贈開國輔運宣力
武臣資善大夫護軍行省左丞封

滎陽伯潘毅係虎賁衛指揮使贈宣忠秉義功臣鎮國
上將軍護軍大都督府僉事封

已上太祖時封正二品

建平伯高士文見前以都指揮從平安南陣亡贈封予
世襲建平以下皆特進柱國

萊陽伯周長直隸天長人永樂十四年以右軍都督僉

事贈封

新泰伯張欽直隸睢寧人永樂十四年以右軍都督僉事永樂二十四年贈封

平陰伯朱崇直隸定遠人係後軍都督同知永樂二十
年贈封

保昌伯程寬直隸潁上人係後軍都督僉事永樂二十
年贈封

成武伯陳亨以右都督贈封

景成伯馬榮左都督入朝墮馬卒贈封

大同伯陶瑾以左都督贈封

已上太宗時封

懷遠伯山雲以鎮守廣西左都督贈封

湯陰伯郭資見前宣德七年以太子太師掌戶部事贈封

潞漳伯郭義以右都督贈封

安陽伯曹隆以左都督贈封

營山伯高成以右都督贈封

保昌伯蔣廷珪衛聖夫人夫以左都督贈封

威遠伯方政以右都督征麓川陣亡贈封

萊陽伯孫榮以左都督贈封

荏平伯吳中以少師工部尚書贈封

蒙陰伯李英以都督僉事贈封

清源伯冀傑以都督從北征陣亡贈封

緜谷伯高文以右都督贈封

邵陽伯馬聚以都督從北征陣亡贈封

任丘伯梁成以左都督贈封

沭陽伯金濂景泰中以太子太保戶部尚書贈封

定邊伯沐昂景泰中以征南將軍鎮守雲南總兵官左

都督贈封

榆次伯張濂宣德中以都督僉事贈封

山陽伯武興正德十四年以右都督禦寇於崇文門外

陣亡贈封

溧陽伯紀廣景泰中以鎮朔將軍鎮守宣府總兵官左都督贈封

臨武伯蕭授正統中征蠻將軍鎮守湖廣總兵官左都督贈封

固安伯劉玉成化中為征虜將軍征默色進左都督贈封

宣良伯冉保以左都督贈封

洛南伯馮禎正德七年以榆林都指揮為副總兵破流

賊陣亡贈封

邢臺伯馮斌正德中以右都督贈封

忠誠伯陸炳興府儀衛司人嘉靖四十三年以太保兼少傅左都督掌錦衣衛贈封

盱眙縣子汪清從起義陣亡再贈駙馬都尉

羅山縣子王鳳顯係千戶

定遠縣子姜潤係千戶

梁縣子石明係千戶

懷遠縣子常德勝係鎮撫

合肥縣子王德勝係千戶

合肥縣子宋鼎係千戶

巢縣子陳冲係千戶

定遠縣子王喜仙係千戶

廬江縣子江澤係千戶

含山縣子丁宇係千戶

汝陽縣子建德山係千戶

定遠縣子裴軫係千戶

當塗縣男王愷為行省郎中癸卯死金華亂兵贈奉直大夫飛騎尉封

丹陽縣男孫炎直隸句容人行省都事處置處州軍事癸卯為亂兵所害贈封如王愷

合肥縣男徐明係管軍百戶癸卯死洪都難贈封子為指揮

萬春縣男常德勝係千戶

虹縣男鄭興都尉

隨縣男羅世榮都尉

定遠縣男史德勝係千戶

五河縣男王理係千戶

舒城縣男王仁係千戶

含山縣男曹信係千戶

按子男爵多係祠於南昌康郎二忠臣祠者今尚有

一二遺漏當俟續考表之

贈王號名二

太 高

國名二

楊 徐

郡名十五

滁陽 隴西 中山 開平 岐陽 寧河 東甌

黔寧 東平 定興 定遠 平陰 宣平 寧陽

定襄

公國名二十五

宣

信人二

楚選授

袁因故稱

韓即宣

魏即信

鄂

鄭

子即鄒

曹

宋

衛

申即衛子

潁

涼

開

弟即鄭

梁

淇

成

定

英

黔

昌

翊

保

忠

贈公國名四十九

越

郢

泗

梁

鄭人二

豫

號即豫改封

濟

蔡

人二

滕

人二

杞

許

陝

江

海

鄆人二

安

人二

永

巢

芮

黔

沂人二

皖

營

恩

榮

人二

寧

人三

靖潞夏莒漳茂融涇二濱邠

涼濬渠裕涑沔黠嶧蠡昌

阜豐

贈公郡名七

姑熟河間高陽濟陽東海天水樂浪

侯邑名一百三

中山吉安江夏淮安濟寧潁川長興

臨江鞏昌六安滎陽平涼江陰靖海

南雄 德慶 南安 廣德 營陽 蘄春 永嘉

豫章

臨川

即豫章
改封

東平

宣寧

汝南

河南

永城

東勝

西平

安陸

宣德

安慶

鳳翔

定遠

三
人

永昌

寧靖

永平

會寧

懷遠

雄武

西涼

崇山

武定

普定

東川

鶴慶

永寧

全寧

越雋

海西

瀋陽

歷城

成陽

泰寧

武安

保定

二
人

同安

鎮遠

靖安

武城

永

康隆平

安平

成安

豐城

永春

廣平

富

陽 新城 西寧 清遠 寧遠 寧陽 安遠 陽

武 安陽 恭順 安順 清平 定西 興安 武

清_二 昌平 保定 平江 太平 南和 會昌

廣寧 武平 懷寧 撫寧 武靖 襄城 慶雲

瑞安 建昌 京山 靈璧 臨淮 成山 安平

取事名者七

航海 舳艫 崇禮 歸德 思恩 壽寧 歸義

贈侯郡名十三

隴西

人二

高陽

人二

彭城

人二

天水

京兆

太原

潁上

清河

汝南

下邳

東海

潁川

弘農

贈侯取事名者三

忠節

永義

忠勇

贈侯邑名四十

安遠

燕山

富春

汝南

合浦

東海

霍山

英山

昌樂

臨沂

金鄉

崇安

武陽

廬江

新建

人二

廣寧

翼城

平江

撫寧

平鄉

鉅鹿

彭城 惠安 會昌 文安 寧晉 東寧 永順

懷柔 武進 彰武 寧遠 靖遠 定襄 南寧

興濟 豐潤 宣城 伏羌 昌寧

伯邑名九十六

東莞 徽光 興安 武康 襄城 信安 新昌

新寧 應城 忻城 雲陽 富昌 順昌 平江

成山 遂安 安鄉 寧陽 清遠 榮昌 永新

建平 安遠 廣寧 恭順 武進 永順 安順

保定 廣義 清平 崇信 會寧 新建人 會川

定西 寧遠 修武 永寧 靖遠 平鄉 招遠

武清人 昌平 彭城 惠安 會昌 定襄 撫

寧 懷柔 鎮遠 南寧 南和 安平 興濟 海

寧 文安 豐潤 武功 定遠 宣城 昭武 武

平 懷寧 東寧 彰武 靖安 武靖 伏羌 寧

晉 興寧 威寧 昌寧 慶雲 長寧 瑞安 安

昌 建昌 慶陽 涇陽 泰安 安定 永壽 高

平 平涼 鎮安 永清 鎮平 昌化 玉田 泰
和 高陽 慶都 德平 固安 永平

取事名者十四

忠勤

人二

誠意

忠誠

廣恩

武義

恭順

永順

安順

廣義

奉化

順義

人二

忠勇

壽寧

恭

誠

贈伯郡名六

安定

隴西

天水

太原

緡雲

譙郡

邑名二十五

滎陽 建平 懷遠 新泰 營山 景城 大同

湯陰 茌平 保昌 成武 安陽 萊陽 山陽

清源 邵陽 任丘 洺陽 定邊 榆次 溧陽

固安 臨武 洛南 宣良

取事者二

顯佑 忠誠

贈子邑名十


盱眙 羅山 定遠_三 梁縣 懷遠 合肥_二 巢

縣 廬江 含山 汝陽

贈男邑名十

當塗 丹陽 合肥 萬春 定遠 五河 舒城

含山 虹縣 隨縣



弇山堂別集卷四十

欽定四庫全書

史部

弇山堂別集卷四十一至三

詳校官編修_臣李潢

編修_臣裴謙覆勘

總校官中書_臣朱鈐

校對官中書_臣李榮

謄錄監生_臣李文杞

欽定四庫全書

弇山堂別集卷四十一

公孤表

明 王世貞 撰

三公古官也自周公制為一代經典而係之曰太師太傅太保曰三公少師少傅少保曰三孤又曰官不必備惟其人蓋坐而論道者其體誠重而其選誠不易矣漢承秦制設丞相大夫以至九卿而罷三公不復設至安

漢公莽竊政始自為太傅而以虛名崇故丞相孔光為太師東漢以後惟代置太傅一人踞三公上而隆其秩曰上公至董卓竊政自相國拜太師踞諸侯王上而幾成鼎革矣晉以避諱故改太師為太宰然猶在丞相下大將軍大司馬太尉司徒司空上江左以後自王導謝安外非宗屬尊貴者亦不及而北魏之季太師與大丞相並加以待執國之臣北齊因之太師與太宰並設至太師而叙遷太宰乃叙遷左右丞相則又舛矣宇文泰

之執國始倣周官自為太師太冢宰兼總五官之柄而
宇文護因之其事雖美其心則慝矣乃欲與三代比隆
得哉自隋迨唐大抵以太師太傅太保為三師曰上公
而以太尉司徒司空為三公而宋氏亦因之然三公不
時置而所謂三師者抑何寥寥也太師重矣乃有謂太
尉次重寧與太傅而不與太尉者宋徽宗政和定官制
始以太宰易左僕射少宰易右僕射為真宰相太師太
傅太保為三上公以少師少傅少保易太尉司徒司空

為三孤無職而有秩以隆宰執之資深績崇者南渡而後因之元人得中土置公孤皆如故而益以太尉司徒司空環衛之微勞與言色之昵合朝拜幕加不可勝紀明興高皇帝始釐正之罷太尉以下官而李韓公善長徐魏公達以舊德元勲為太師太傅然亦無職事不置掾屬防閣洪武十三年罷中書省采御史言欲特置三公府竟不果而僅設四輔官位尚書上聘耆儒自布衣徑為之賜坐倡和分四時以寄變理之任而無何復罷

師傳之官自魏公薨韓公雉亦絕響矣將下視博采鮮
所當意所謂無其人則缺者耶建文永樂代不置此官
仁宗初即位謂羣臣皇祖考神聖無所藉毗師傅即眇
末何敢於是拜張英公輔太師沐黔公晟太傅陳寧陽
侯懋太保蹇吏部義自少保屢進少傅至少師楊殿學
士竒自少保進少傅夏戶部原吉進少保於是公孤之
官備矣然以是寓美稱耳非必有變理之實也獨宣德
三年詔太師輔少師義少傅士竒少保原吉太子少傅

榮俱輟所領從容謀議以不時召對凡所游幸必從庶
幾若真授矣而士竒榮理閣務如故自是而後三公僅
公侯伯而文臣限三孤以為常嘉靖二年以大學士楊
廷和一品滿十二載且有定冊功加太傅四辭而止萬
厯九年大學士張居正一品滿十二載遂拜太傅其後
病甚以遼左功加太師不及拜縉紳聚而譁之以為非
故典然而嘉靖中加大同帥左都督周尚文錦衣帥左
都督陸炳武弁也其非故典尤甚而未有譁者何也夫

變理責之紈袴論道以施乳臭即公侯伯奚取焉然則
文臣而加者非德婉則譁非勅崇則譁非齒宿而資重
則譁以譁江陵可也夫四者備矣而譁不必也政和之
制又有以太尉冠武階者於義竊謂可采云

太師

勛臣凡六人

張輔河南祥符人永樂二十二年以英國公加正統十
四年歿土木

張懋輔之子弘治四年以嗣英國公太傅兼太子太師加正德七年卒

朱永河南夏邑人弘治四年以保國公太傅兼太子太師加九年卒

徐光祚直隸鳳陽人嘉靖五年以嗣定國公太傅兼太子太師加六年卒

郭勛直隸濠州人嘉靖十五年以嗣武定侯太傅兼太子太師加進封翊國公二十年下獄

朱希忠直隸懷遠人嘉靖四十二年以嗣成國公太傅
兼太子太師加隆慶六年卒

親臣凡一人

張鶴齡直隸興濟人昭聖皇太后弟嘉靖元年以壽寧
侯太傅加其年進封公十二年奪

文臣凡二人

李善長直隸定遠人洪武三年以中書左丞相韓國公
兼太子少師加二十四年賜死

張居正湖廣江陵人萬歷十年以太傅兼太子太師吏部尚書中極殿大學士加十餘日卒後削

按太師在西漢則孔光馬宮王匡東漢則董卓晉為太宰則梁王彤河間王顥武陵王晞北魏為爾朱榮高歡宇文泰周為宇文護隋為李穆唐為王行瑜李茂貞李克用五季為錢鏐錢俶宋為蔡京童貫秦檜韓侂胄史彌遠賈似道元為特們德爾雅克特穆爾巴延非憑社之奸相則問鼎之強藩其可稱者僅一文

彥博而已次則趙普史浩尚不滿望然二子尚以退閒得之信乎不易當也

太傅

勛臣凡十二人

徐達直隸鳳陽人洪武三年以征北大將軍中書右丞相信國公太子少傅加十八年卒

沐晟直隸定遠人永樂二十二年以黔國公加正統五年卒

柳溥直隸懷遠人天順元年以嗣安遠侯太子太師加五年奪

張懋見前成化二十二年以太子太師加

朱永見前成化二十二年以太子太師加

譚祐直隸清河人弘治中以嗣新寧伯太保太子太傅加嘉靖四十年卒

陳銳直隸合肥人弘治中以嗣平江伯太保太子太傅加十五年卒

徐光祚見前正德十二年加無兼官

郭勛見前嘉靖十三年以太保兼太子太傅加

朱希忠見前嘉靖二十七年以太保兼太子太傅加

仇鸞直隸江都人嘉靖三十一年以嗣成寧侯加三十二年誅

徐文壁光祚之孫萬曆二十五年以太保太子太傅定國公加

親臣凡六人

孫繼宗山東鄒平人成化九年以會昌侯太保加十五年卒

周壽山東昌邑人孝肅皇太后兄正德中以慶雲侯太保加十四年卒

王源直隸上元人純皇后兄正德中以瑞安侯太保加嘉靖三年卒

張鶴齡見前正德中以太保加

張廷齡鶴齡弟嘉靖元年以建昌伯太保加尋進侯十

年削下獄論死

崔元山西代州人嘉靖二十七年以駙馬都尉京山侯太保兼太子太傅加二十九年卒

文臣一人

張居正見前萬歷九年以少師兼太子太師吏部尚書中極殿大學士加

右嘉靖二年加少師大學士楊廷和四辭而止

太保

勛臣凡十六人

陳懋直隸壽州人永樂二十三年以寧陽侯加正統三年奪十四年復加天順七年卒

薛祿山東膠州人宣德三年以陽武侯太子太保加五年卒

金忠本韃靼王子也宣德三年以忠勇王太子太保加正統初卒

朱勇能之子正統七年以嗣成公太子太保加十四年

歿於敵

蔣琬直隸江都人成化二十二年以嗣定西侯太子太傅加二十三年卒

李瑾直隸和州人成化二十二年以襄城侯太子太傅加弘治二年卒

趙勝直隸懷安人成化二十二年以昌寧伯太子太傅加二十三年卒

譚祐見前弘治初以太子太傅加

陳銳見前弘治初以太子太傅加

朱暉永之子正德元年以嗣公加

郭勛見前正德二年以侯加

張偉河南永城人正德三年以嗣惠安伯加七年奪

孫銘繼宗之孫正德初以嗣會昌侯加十五年卒

朱希忠見前嘉靖中以太子太傅加

仇鸞見前嘉靖二十九年以太子太保加

徐文璧定國公萬曆十二年以少保太子太保加

親臣凡五人

孫繼宗見前天順七年加

王清源之弟弘治中以崇善伯加

周壽見前弘治中加

張鶴齡見前正德初加

張延齡見前正德初加

文臣無

武臣凡四人

周尚文大同衛人嘉靖二十六年以左都督太子太保加尋兼太子太傅

陸炳浙江嘉興人嘉靖三十六年以左都督太子太保加尋兼少傅

朱希孝希忠弟隆慶元年以左都督太子太保加尋兼太子太傅

李成梁遼東鐵嶺衛人萬曆六年以左都督太子太保加進封伯

少師

勛臣凡二人

張信直隸臨淮人永樂二十二年以隆平侯加正統七年卒

崔元見前嘉靖二十五年以太保太子太傅加兼久之辭復為太子太傅

文臣凡二十六人

蹇義四川巴縣人永樂二十二年以少傅吏部尚書加

宣德十年卒

楊士奇江西廬陵人正統三年以少傅兵部尚書華蓋殿大學士加九年卒

楊榮福建建安人正統三年以少傅工部尚書謹身殿大學士加五年卒

吳中山東武城人正統七年以少保工部尚書加本年卒

萬安四川眉州人成化二十二年以少傅太子太師吏

部尚書華蓋殿大學士加二十三年致仕

劉吉直隸博野人弘治四年以少傅太子太師吏部尚書謹身殿大學士加兼華蓋殿大學士五年致仕

徐溥直隸宜興人弘治十一年以少傅太子太師吏部尚書華蓋殿大學士加本年致仕

劉健河南洛陽人弘治十六年以少傅太子太傅吏部尚書謹身殿大學士加兼太子太師華蓋殿大學士正德元年致仕

金定四庫全書
卷四十一
馬文升弘治十六年以少傅太子太傅吏部尚書加十八年致仕

李東陽湖廣長沙人正德元年以少傅太子太傅戶部尚書謹身殿大學士加兼太子太師吏部尚書華蓋殿大學士七年致仕

焦芳河南泌陽人正德三年以少傅太子太傅吏部尚書謹身殿大學士加兼太子太師吏部尚書華蓋殿大學士五年致仕尋削

楊廷和四川新都人正德七年以少傅太子太傅吏部尚書謹身殿大學士加兼太子太師華蓋殿大學士九年丁憂十二年復職嘉靖三年致仕

梁儲廣東順德人正德十年以少傅太子太傅吏部尚書謹身殿大學士加兼太子太師華蓋殿大學士十六年致仕

王瓊山西太原人正德十四年以少傅太子太傅兵部尚書加十六年以吏部下獄削

費宏江西鉛山人嘉靖四年以少保太子太保吏部尚書謹身殿大學士加兼太子太師六年致仕十四年復職卒

楊一清四川巴陵人嘉靖四年以少傅太子太傅吏部尚書武英殿大學士加時尚書席書言少師兼宮傳不稱宜并兼宮師不許

張孚敬浙江永嘉人嘉靖十三年以少傅太子太師吏部尚書華蓋殿大學士加十四年致仕

夏言江西貴溪人嘉靖十七年以少傅太子太師禮部尚書武英殿大學士加十九年復為少傅二十年復進少師其年復為少傅二十一年復少師尋削職二十四年再復職二十七年再削

嚴嵩江西分宜人嘉靖二十四年以少傅太子太師吏部尚書謹身殿大學士加嘉靖四十一年致仕後削徐階直隸華亭人嘉靖四十一年以少傅太子太師吏部尚書武英殿大學士加隆慶三年致仕

李春芳直隸興化人隆慶四年以少傅太子太師吏部尚書建極殿大學士加兼中極殿大學士五年致仕

高拱河南新鄭人隆慶四年以少傅太子太師吏部尚書建極殿大學士加進兼中極殿大學士六年削職

張居正見前隆慶五年以少傅太子太傅吏部尚書建極殿大學士加兼太子太師

楊博山西蒲州人隆慶六年以少傅太子太傅吏部尚書加兼太子太師萬曆元年予告

張四維山西蒲州人萬厯十年以少傅太子太師吏部尚書建極殿大學士加兼中極殿大學士十一年憂歸申時行直隸吳縣人萬厯十二年以少傅太子太師吏部尚書建極殿大學士加兼太子太師中極殿大學士

真人凡一人

陶仲文湖廣黃岡人嘉靖三十六年以神霄紫府衍範保國弘烈宣教振法通真忠孝秉一真人少傅少保禮部尚書加其傅保如故二十九年封伯聽辭

少傅

勲臣凡二人

張溶輔之曾孫萬曆五年以嗣英公少保太子太傅加
十年卒

楊炳彰武伯萬曆十二年以太子太傅加

文臣凡四十人

蹇義見前永樂二十二年以少保吏部尚書加

楊士奇見前永樂二十二年以少保兵部尚書華蓋殿

大學士加

楊榮見前宣德五年以太子少傅工部尚書謹身殿大學士加

胡濙直隸武進人景泰元年以太子太傅禮部尚書加
罷太子太傅不兼尋進兼太子太師

王直江西泰和人景泰元年以太子太保吏部尚書加
罷太子太保不兼

萬安見前成化二十一年以太子太傅吏部尚書華蓋

殿大學士加兼太子太師

劉吉見前成化二十三年以少保太子太傅戶部尚書
謹身殿大學士加兼太子太師吏部尚書華蓋殿大學
士

徐溥見前弘治七年以太子太傅吏部尚書謹身殿大
學士加兼太子太師華蓋殿大學士

劉健見前弘治十一年以太子太保禮部尚書武英殿
大學士加兼太子太傅戶部尚書謹身殿大學士

馬文升見前弘治十四年以少保太子太傅兵部尚書
加

李東陽見前弘治十八年以太子太保戶部尚書謹身
殿大學士加兼太子太傅

謝遷浙江餘姚人弘治十八年以太子太保禮部尚書
武英殿大學士加兼太子太傅正德元年致仕嘉靖七
年再起致仕

焦芳見前正德二年以太子太保吏部尚書武英殿大

學士加兼太子太傅謹身殿大學士

王鏊直隸吳縣人正德二年以戶部尚書文淵閣大學士加兼太子太傅武英殿大學士

楊廷和見前正德四年以少保太子太保戶部尚書文淵閣大學士加兼太子太傅吏部尚書武英殿大學士

劉宇河南鈞州人正德四年以太子太傅兵部尚書加五年以文淵閣學致仕

劉忠河南陳留人正德五年以吏部尚書文淵閣大學

士加兼太子太傅武英殿大學士

梁儲見前正德七年以少保太子太保吏部尚書武英殿大學士加兼太子太傅謹身殿大學士

楊一清見前正德八年以少保太子太保吏部尚書加兼太子太傅十一年以武英殿學致仕嘉靖四年召帥三邊

王瓊見前正德十四年以少保太子太保兵部尚書加兼太子太傅

蔣冕廣西全州人正德十四年以太子太傅戶部尚書
武英殿大學士加兼謹身殿大學士嘉靖三年致仕

張孚敬見前嘉靖七年以少保禮部尚書文淵閣大學
士加兼太子太傅吏部尚書謹身殿大學士

李時見前嘉靖十五年以少保太子太傅吏部尚書武
英殿大學士加兼謹身殿大學士

夏言見前嘉靖十五年以少保太子太傅禮部尚書翰
林院學士加尋兼太子太師

嚴嵩見前嘉靖二十三年以少保太子太傅吏部尚書
謹身殿大學士加尋兼太子太師

許讚河南靈寶人嘉靖二十四年以少保太子太傅吏
部尚書文淵閣大學士加明年奪職後復

徐階見前嘉靖三十六年以少保太子太傅禮部尚書
武英殿大學士加尋兼太子太師

李本浙江餘姚人嘉靖三十八年以少保太子太傅禮
部尚書武英殿大學士加

雷禮江西豐城人嘉靖四十五年以少保太子太傅工部尚書加隆慶元年致仕

李春芳見前隆慶元年以太子太保吏部尚書武英殿大學士加兼太子太傅尋兼太子太師

郭朴河南安陽人隆慶元年以太子太保吏部尚書武英殿大學士加兼太子太傅

高拱見前隆慶元年以禮部尚書文淵閣大學士加兼太子太傅武英殿大學士再起兼太子太師

楊博見前隆慶元年以少保太子太保吏部尚書加兼太子太傅

陳以勤四川南充人隆慶二年以少保太子太傅禮部尚書武英殿大學士加兼太子太傅尋致仕兼太子太師

張居正見前隆慶三年以少保太子太保禮部尚書武英殿大學士加兼太子太傅吏部尚書建極殿大學士呂調陽廣西全州人萬曆五年以少保太子太傅禮部

尚書武英殿大學士加兼建極殿大學士本年致仕

張四維見前萬曆九年以少保太子太保禮部尚書武英殿大學士加兼太子太傅

申時行直隸吳縣人萬曆十一年以少保太子太保武英殿大學士加兼太子太傅建極殿大學士

余有丁浙江鄞縣人萬曆十二年以少保太子太保戶部尚書武英殿大學士加兼太子太傅建極殿大學士許國直隸歙縣人萬曆十四年以少保太子太保武英

殿大學士加兼太子太傅再兼太子太師

武臣無

真人凡一人

陶仲文見前以少保加仍兼少保

少保

勲臣凡四人

陳璉四川巴縣人嘉靖十七年以嗣遂安伯太子太保
加兼太子太傅萬厯元年卒

柳珣見前安遠侯溥之後嘉靖二十二年以嗣侯太子太傅加其年卒

張溶見前萬厯三年以太子太保加兼太子太傅

徐文璧直隸鳳陽人萬厯十一年以定國公加兼太子太保

親臣凡一人

方承裕直隸江寧人孝烈皇后弟嘉靖三十八年以嗣伯太子太保加

文臣凡五十八人

蹇義見前永樂二十二年以吏部尚書加

楊士奇見前永樂二十二年以禮部左侍郎華蓋殿大學士加

黃淮浙江永嘉人永樂二十二年以通政司通政使兼武英殿大學士加

夏原吉湖廣湘陰人永樂二十二年以太子少傅戶部尚書加其兼官如故

吳中見前宣德二年以工部尚書加五年奪正統元年仍加

黃福山東昌邑人正統元年以參贊機務南京戶部尚書加五年卒

楊溥湖廣石首人正統三年以禮部尚書翰林院學士加兼武英殿大學士

于謙浙江仁和人正統十四年以總督軍務兵部尚書加天順元年遇難

陳循江西廬陵人景泰二年以戶部尚書翰林院學士加兼華蓋殿大學士天順元年下獄戍

高穀直隸興化人景泰二年以工部尚書翰林院學士加兼謹身殿大學士天順元年致仕

王文直隸東鹿人景泰五年以太子太保吏部尚書翰林院學士加兼謹身殿大學士不帶宮職天順元年伏法

李賢河南鄧州人天順八年以太子少保吏部尚書翰

林院學士加兼華蓋殿大學士不帶宮職成化三年卒
彭時江西安福人成化十一年以太子少保吏部尚書
文淵閣大學士加不帶宮職其年卒

商輅浙江淳安人成化十四年以太子少保吏部尚書
謹身殿大學士致仕加不帶宮職

劉吉見前成化二十一年以太子太保禮部尚書武英
殿大學士加兼太子太傅戶部尚書謹身殿大學士

丘濬廣東瓊山人弘治七年以太子太保禮部尚書文

淵閣大學士加兼戶部尚書武英殿大學士八年卒

馬文升見前弘治十一年以太子太保兵部尚書加兼太子太傅

王越直隸濬縣人弘治十一年以總督陝西三邊軍務

太子太保都察院左都御史加兼太子太傅其年卒

閔珪浙江烏程人正德元年以致仕太子太保刑部尚書加

楊廷和見前正德二年以戶部尚書文淵閣大學士加

兼太子太保

梁儲見前正德五年以太子少保吏部尚書武英殿大學士加兼太子太保

楊一清見前正德六年以太子少保吏部尚書加兼太子太保

王瓊見前正德十一年以太子少保兵部尚書加兼太子太保

陸完直隸長洲人正德十三年以太子太保吏部尚書

加十六年削

毛紀山東掖縣人正德十三年以太子太保禮部尚書
文淵閣大學士加仍進戶部尚書武英殿大學士

費宏見前正德十六年以致仕太子太保戶部尚書武
英殿大學士起用加

喬宇山西太原人嘉靖元年以太子太保吏部尚書加
彭澤陝西蘭州人嘉靖二年以太子太保兵部尚書致
仕加

石珪直隸藁城人嘉靖五年以太子太保吏部尚書武英殿大學士加

賈詠河南臨潁人嘉靖五年以太子太保禮部尚書武英殿大學士加

廖紀直隸東光人嘉靖五年以太子太保吏部尚書致仕加

席書四川遂寧人嘉靖五年以太子太保禮部尚書加六年致仕

張璉見前嘉靖七年以禮部尚書文淵閣大學士加無
兼官

桂萼江西安福人嘉靖七年以太子太保吏部尚書翰
林院學士加兼太子太傅八年以大學士致仕

李時見前嘉靖十三年以太子太保吏部尚書武英殿
大學士加

方獻夫廣東南海人嘉靖十三年以太子太保吏部尚
書武英殿大學士加其年致仕

夏言江西貴溪人嘉靖十三年以太子太保禮部尚書翰林院學士加

顧鼎臣直隸崑山人嘉靖十八年以太子太保禮部尚書文淵閣大學士加兼太子太傅武英殿大學士

許讚見前嘉靖十九年以太子太保吏部尚書加

張瓚直隸滄州人嘉靖十九年以太子太保兵部尚書加

嚴嵩見前嘉靖十九年以太子太保禮部尚書兼翰林

學士加

甘為霖四川富順人嘉靖二十四年以太子少保工部尚書加兼太子太保二十五年致仕

費家江西鉛山人嘉靖二十七年以太子太保禮部尚書翰林院學士加本年卒

徐階見前嘉靖三十一年以太子太保禮部尚書兼翰林院學士加

李本見前嘉靖三十五年以太子太保禮部尚書武英

殿大學士加

趙文華嘉靖三十六年以太子太保工部尚書加三十七年削籍

歐陽必進江西安福人嘉靖三十六年以太子太保工部尚書加

楊博見前嘉靖三十七年以太子太保兵部尚書加

袁煒浙江慈谿人嘉靖四十二年以太子太保戶部尚書武英殿大學士加

胡宗憲直隸績溪人嘉靖四十四年以太子太保兵部尚書都察院右都御史總督浙直江西福建軍務加明年削籍

張居正見前隆慶三年以禮部尚書武英殿大學士加兼太子太保

呂調陽見前萬曆闕年以太子太保禮部尚書武英殿大學士加

王崇古山西蒲州人萬曆元年以太子太保兵部尚書

協理京營戎政加

方逢時湖廣嘉魚人萬歷五年以太子太保兵部尚書

協理京營戎政加

張四維見前萬歷闕年以太子太保禮部尚書武英殿

大學士加

申時行直隸吳縣人萬歷十年以太子太保禮部尚書

文淵閣大學士加兼戶部尚書武英殿大學士

余有丁浙江鄞縣人萬歷十一年以太子太保禮部尚

書加兼戶部尚書武英殿大學士

許國直隸歙縣人萬歷十二年以太子太保禮部尚書
文淵閣大學士加兼武英殿大學士

武臣凡一人

戚繼光山東人萬歷九年以太子太保後軍左都督薊
鎮總兵加

弇山堂別集卷四十一